

1.3. Fan bo'yicha talabalarning bilim, ko'nikma va malakalariga qo'yiladigan talablar

“Badminton nazariyasi va uslubiyati” o'quv fanini o'zlashtirish jarayonida amalga oshiriladigan masalalar doirasida bakalavr: O'zbekiston jismoniy tarbiya va sport tizimida badminton sport turning o'rnini, badminton sport turi bo'yicha xalqaro va respublika tashkilotlari, ularning funksiyalari texnik, taktik va jismoniy tayyorgarlikning o'zaro bog'liqligi jismoniy sifatlarni rivojlantirishni vosita va usullari texnika va taktikani rivojlantirish vosita va usullari o'quv-mashg'ulot va musobaqalarda psixologik tayyorgarlik yillik va istiqbolli rejalashtirish sport turiga dastlabki tanlovni o'tkazish haqida tasavvurga ega bo'lishi;

- badminton sport turining jismoniy tarbiya tizimidagi ahamiyati, sport turining jahonda va respublikamizda rivojlanish tarixi; mashg'ulot jarayonining tuzilishi; shu g'ullanuvchilarning jinsi, yoshi, jismoniy tayyorgarlik xususiyatiga qarab mashg'ulot larni rejalashtirish, o'tkazish va yuklamalarni me'yorlash talablarini bilishi kerak;

- badminton texnikasi va taktikasini bajarishga o'rgatish; badminton bo'yicha turli lavozimlarda hakamlilik qilish, badminton sport turida ilmiy-tadqiqot ishlarni olib borish; badminton sport turining vositalari va uslublaridan foydalanish, badminton sport turiga sportchilarni saralash ko'nikmalariga ega bo'lishi kerak; mashg'ulot jarayonini va musobaqalarni tashkil etish, o'tkazish; mashg'ulot yuklamalarni optimal rejalashtirish; sportchilar ustidan pedagogik nazorat qilish; sportchilar bilan ma'naviy ma'rifiy va tarbiyaviy ishlar olib borish, badmintonda modellashtirish va bashorat qilish malakalariga ega bo'lishi kerak.

Talabalar darsdan tashqari vaqtlarda (uyda, kutubxonada, uslubiy xonalarda, o'quv-trenirovka yig'inlarida) dastur bo'yicha tavsiya etilgan adabiyotlar ustida mustaqil ishlaydi, mashqlar majmualarini tuzadi, seminar mashg'ulotlariga tayyorlanadi, o'quv amaliyotiga oid materiallarni o'rganadi.

Talabalar dastur doirasida rejalashtirilgan mashg'ulotlar hajmi va mavzulari bo'yicha o'z bilimlari, malakalari va ko'nikmalarini takomillashtirib boradi. Mazkur jarayonda ularga quyidagi vazifalarni amalga oshirish tavsiya etiladi:

1. O'zbekistondava jahonda badmintonni rivojlanish tarixi, o'yin texnikasi va taktikasi asoslari, ularning klassifikatsiyasi, o'yin malakalariga dastlabki o'rgatish uslubiyati, badminton mashg'ulotlariga bayonnoma tuzish, musobaqa qoidasi, sport trenirovkasining umumiy asoslari, rejalashtirish va pedagogik nazorat, sport tayyorgarligini boshqarish, jismoniy va psixologik tayyorgarlikning nazariy asoslari kabi mavzularga oid ma'lumotlarni o'zlashtirish.

2. Badminton sport turi bilan shug'ullanuvchilarni tayyorlashga oid umumiy va maxsus jismoniy sifatlarni rivojlantiruvchi mashqlar majmuasini tuzish va ularni qo'llash texnologiyasini o'rganish. Badminton to'garaklarida mashg'ulotlarni o'tkazish va bu jarayonda "oddiydan murakkablikka", "o'tilgandan o'tilmaganga" (mavzu mazmuni jihatidan) "xususiylikdan umumiylikka" kabi didaktik printsiplarni qo'llash ko'nikmalariga ega bo'lish.

3. Turli yosh va qatlamga xos aholi o'rtasida badmintonni ommalashtirishning siyosiy va ijtimoiy ahamiyatini yorituvchi ma'lumotlarni o'zlashtirish. 1-bosqich "Badminton nazariyasi va uslubiyati" fani bo'yicha mustaqil ta'lim shu fanni o'rganish jarayonining tarkibiy qismi bo'lib, uslubiy va axborot resurslari bilan to'la ta'minlangan.

Talabalar auditoriya mashg'ulotlarida professor-o'qituvchilarning ma'ruzasini tinglaydilar, amaliy mashg'ulotlarda esa badminton kortlarida mashg'ulotlar olib boradilar. Mashg'ulotlardan tashqari talaba darslarga tayyorlanadi, adabiyotlarni konspekt qiladi, uy vazifa sifatida berilgan vazifalarni bajaradilar. Bundan tashqari ayrim mavzularni kengroq o'rganish maqsadida qo'shimcha adabiyotlarni o'qib referatlar tayyorlaydilar hamda mavzu bo'yicha testlar yechadi. Mustaqil ta'lim natijalari reyting tizimi asosida baholanadi.

Uyga vazifalarni bajarish, qo'shimcha darslik va adabiyotlarni yangi bilimlarni mustaqil o'rganish, kerakli ma'lumotlarni izlash va ularni topish yo'llarini aniqlash, internet tarmoqlaridan foydalanib ma'lumotlar volanlash va ilmiy izlanishlar olib borish, ilmiy to'garak doirasida yoki mustaqil ravishda ilmiy ilmiy manbalardan foydalanib ilmiy maqola va ma'ruzalar tayyorlash kabilar talabalarning darsda olgan bilimlarini chuqurlashtiradi, ularning mustaqil fikrlash va ijodiy qobiliyatini rivojlantiradi. Shuning uchun ham mustaqil ta'limsiz o'quv faoliyati samarali bo'lishi mumkin emas.

Uy vazifalarini tekshirish va baholash amaliy mashg'ulot olib boruvchi o'qituvchi tomonidan, konspektlarni va mavzuni o'zlashtirish darajasini tekshirish va baholash esa ma'ruza darslarini olib boruvchi o'qituvchi tomonidan har darsda amalga oshiriladi.

Tayanch so'zlar

Malaka, talab, modellash, assimetrik, reaksiya, intensivlik, texnika, taktika, texnologiya, didaktika, klassifikatsiya, darslik,

O'z-o'zini nazorat qilish savollari

1. Badminton fanining maqsadi ?
2. Badminton fanining vazifalari ?
3. Badminton sport turning anatomik va fiziologik xususiyatlari ?
4. Badminton fani bo'yicha talabalarga qo'yilgan talablar ?

Foydalanilgan adabiyotlar

1. О.В. Байгужина. Бадминтон в структуре подготовки студентов по физической культуре. Челябинск 2021.
2. Н.Ю. Камалиева, Н.Г. Искаков, А.С. Шалавина. Бадминтон для начинающих Учебно-методическое пособие. — Казань: Казанский университет, 2021. — 57 с.
3. А.А. Pulatov, О.М. Savatyugin, Sh.Sh. Isroilov. Badminton nazariyasi va uslubi. Darslik. T.: 2017
4. А.В. Шербаков, Н.И. Шербакова. Игра Бадминтон. Учебно-методическое издание. — М., 2009.
5. В.П. Помиткин. Книга тренера по бадминтону. Теория и практика. ОАО "Первая образцовая типография", "Ульяновский дом печати", 2012. 340с.
6. В.П. Помиткин. Книга тренера по бадминтону. Теория и практика. Часть I. Начальная подготовка. М.: ООО "Гражданский альянс" 2012. 342с.
7. Б.У. Бадалова. Бадминтон - спортивная игра— Т., 2018.
8. М.М. Махаммадиев, К.Х. Адилев. Badminton O'quv uslubi qo'llanma. Samarqand 2018.